

## «Ёзги таътил – 2018»: Мавсум кўнгилдагидек ўтади

---



Вилоят касаба уюшмалари ташкилотлари бирлашмаси тасарруфидаги "Боғишамол" болалар оромгоҳида 2018 йилги ёзги таътил мавсумида болаларни дам олдириш ва соғломлаштиришни ташкил қилиш масалаларига бағишлиланган худудий семинар ташкил этилди.

Оромгоҳлар болаларни фақатгина соғломлаштириш масканлари эмас, балки интеллектуал ривожлантириш марказлари сифатида фаолият кўрсатиши зарур эканлиги таъкидланди.

- Жорий йилда вилоятда мавжуд ўн тўртта шаҳар ташқарисидаги болалар оромгоҳида 9 мингдан зиёд ўқувчиларнинг дам олиши учун шароит яратилди, - дейди вилоят касаба уюшмалари ташкилотлари бирлашмаси маданий-маърифий вакофтари ишлари бўлими мудири Нодира Абдураҳмонова. - Шунингдек, таълим муассасалари қошидаги 43 та кундузги болалар ва 10 та "Мехнат ва дам олиш" оромгоҳлари ўн уч минг нафардан зиёд ўқувчиларни ўз бағрига олади.

Семинар давомида педагог кадрлар, етакчилар ва тўғарак раҳбарлари, спорт йўриқчилари, тиббиёт ходимлари, техник ва хўжалик ходимларининг тарбиявий ишларни кучайтириш, болалар саломатлигини мустаҳкамлаш, уларни қизиқишиларига мувофиқ тўғаракларга жалб этиш, тегишли хужжатларни юритиши каби соҳалардаги билим ва қўнималари оширилди.

Услубий кўлланмалар, тарқатма материаллар, плакатлар, оромгоҳларда фаолият юритиши режалаштирилган тўғарак ва кутубхоналар фаолиятига оид стендлар намойиш этилди.